



Aqqalu C. Jerimiassen

UKA 2025/13-1

Atassut

12. November 2025

Uunga siunnersuut: Aningaasarsianit akileraarutit pillugit Inatsisartut inatsisaata allanngortinnissaa pillugu Inatsisartut inatsisaat

(Aningaasaqarnermut Akileraartarnermullu Naalakkersuisoq)

Nunatsinni aningaasarsiornikkut nunatta avataanut annissuineq qanorluunniit minnerpaaffissaaniitinniagassarpaarput, inuiaqatigiittullu akisussaaffeqaqataaqaagut tassuna nunaqqatitta namminersortut nunatsinniisittuarnissaanut suleqataajuassalluta.

Akileraaruseereernermi sinneqartoorutit nunatta avataanut anninneqartarnerannut immikkut naalakkersuisutta illersuutissamik pilersitsiniarnerat pissusissamisuuinnartutut taaneqarsinnaavoq.

Uani aningaasarsiornitsinni inuiaqatigiittu illersugaasariaqarnerput pisariaqarlunnarmat, kinaluunniillu tamaani nunatsinni suliffeqarfiuteqartoq inuiaqatigiinnut iluaqutaasussamik sunniuteqarnissaa pingaartuulluni.

Tassami nunatsinniit aningaasat ukiumut aniajuartarneri eqqartorneqartuartarput, tassanilu maanna seerisoq annertungaatsiamik milikarneqassasoq inatsisikkut eqqanaarniarneqarpoq.

Aningaasalersuisarnermi nunatsinni pigisatigut allanillu akileraareernermi sinneqartoorutit nunatta avataanut nuunniarnerit sukangasuumik inatsiseqartariaqarpugut, taannalu qangarsuarli atuussimasussaagalluarpoq.

Taamaattumit Atassummiit una siunnersuut iluarisimaarlugu oqartariaqarpugut, Atassummiillu nuannaarutigaarputtaa q ergup nukiganik nukissiiuteqarnermut suliaqarnissami uani inatsimmi ilaasitseeerineq, taamaalilluni suliasat siammasinninngugaaqalugit aqqiivigineqarlutik.

Taamatut Atassummiit oqaaseqarluta, inatsisissatut siunnersuut Aningaasaqarnermut akileraartarnermullu ataatsimiitsitaliamut innersuupparput.